

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. II. An in Deo, præter modum cognoscendi creaturas possibles in essentia sua tanquam in causa, detur alias, quo illas in seipso immediatè cognoscat, seu independenter ab essentia divina, priùs ...

[urn:nbn:de:hbz:466:1-77132](#)

ARTICULUS II.

An in Deo, praefer modum cognoscendi creaturas possibilis in essentia sua tanquam in causa, detur alius, quo illas in seipsis immediatè cognoscet, seu independenter ab essentia divina, prius visa & cognita?

46. **H**æc quæstio magni ponderis est, ex ea si quidem tanquam ex præcipuo fundamento, dependet positi vel destrucción scientiæ mediae. Si enim Deus non cognoscet res immediatè in seipsis, sed solum in seipso, & in sua essentia & omnipotentiâ tanquam in causa: cùm illa non sit causa rerum, nisi ut determinata & applicata per divinæ voluntatis decretum; eò quod Deus non fit agens naturæ, sed liberum, & operetur omnia, juxta consilium voluntatis suæ, ut ait Apostolus; manifestum est, futura contingentia non esse cognoscibilia ab intellectu divino independenter à decreto, & in significationis illud antecedente; & sic vacat scientia media, qua est cognitio futorum contingentium conditionatorum ante decretum: è contra verò, si Deus creaturas cognoscet immediatè in seipsis, & independenter ab essentia divina prius cognita, poterit cognoscere res futuras independenter à decreto, & sic dabatur in illo scientia media. *Uade Suarez, Valenta, Granado, & alii ex Recentioribus, advertentes juxta doctrinam SS. Patrum, præsertim Dionysi, Augustini, & Thomæ, quorum testimonia articulo præcedenti retulimus* non posse negari Deum creaturas in sua essentia & omnipotentiâ tanquam in causa cognoscere, & omnes Vazquezii interpretationes esse violentias, distortas, & à mente illorum SS. Patrum penitus alienas, fatentur Deum hoc modo creaturas cognoscere. Verutamen ut Deo affingere possint scientiam medium, seu cognitionem futorum independentem à decreto, docent, præter hunc modum cognoscendi creaturas in essentia divina tanquam in causa, dari alium quod Deus illas in seipsis immediatè cognoscet, seu independenter ab essentia & omnipotentiâ sua prius visa & cognita. Contra verò Thomistæ, & alii scientia mediae impugnatores, contendunt hunc posteriorum modum cognoscendi creaturas esse imperfectum, indignum Deo, & infinitè ejus perfectionis plurimum derogare, subindeque illum excludunt, ac docent Deum non aliter cognoscere creaturas possibilis, aut futuras, quam in essentia & omnipotentiâ sua tanquam in causa, ac medio prius cognito. Unde sit.

§. I.

Conclusio negativa statuitur, & probatur ex SC. Patribus.

47. **D**ico igitur: Non datur in Deo cognitione creaturarum possibilium in seipsis immediatè, seu independenter ab essentia divina, prius visa & cognita.

Probatur primo ex Dionysio cap. 7. de divinis nominibus ubi de Deo loquens, sic ait: *Non secundum visionem singulis se immittit, sed secundum causam continentiam scit omnia.* Et infra: *Divina sapientia seipsum cognoscens scit alia.* Ettius: *Deus ea quae sunt noscit, non rerum notitiam, sed sui.* At si Deus, præter scientiam possibilium in seipso, illa in se-

A ipsiis immediatè cognoscet, secundum visionem singulis se immitteret, & illa sciret, non se ipsum noscens, & notitiam, non sui, sed creaturam propriam: Ergo juxta Dionysium, Deus non cognoscit creaturas possibilis immediatè in seipsis, sed tantum in seipso, & mediatè, seu in essentia divina prius visa & cognita.

Minor pro prima parte manifesta est, nam co⁴⁸gnoscens, secundum visionem se immittere obiecto, non est ab illo accipere speciem, quia in hoc non se immitit cognoscens obiecto, sed potius obiectum se immitit cognoscens: Ergo est immediatè ergo obiectum versari, non enim videtur in quo alio consistere possit; & consequenter si Deus creaturas possibilis cognoscit immediatè in seipsis, se immitit secundum visionem creaturæ.

Pro secunda parte etiam constat, nam Deus cognoscet creaturas possibilis, mediatis in seipso, & immediatè in seipsis: Ergo cognoscet illas, non solum notitiam quā se cognoscit, sed etiam aliā notitiam, quod à Dionysio negatur; nam illius sensus est exclusivus, alias non sufficiens explicuisse modum quō creaturæ à Deo cognoscuntur.

Denique pro tertiâ parte suadetur: Notitia illius obiecti dicitur, ad quod immediatè & primariè terminatur: Sed notitia quā Deus creaturas possibilis, in seipsis immediatè cognoscet, illas habet pro obiecto immediato & primario: Ergo si daretur in Deo talis cognitionis, cognoscet creaturas, non sibi, sed illarum notitia.

Neque obstat talis cognitionem non nasci a specie ab illis accepta, sed ab ipsa essentia divina gerente munus speciei, ut dicatur creaturæ propriæ, si semel immediatè terminatur illas. Notitia enim quam Angeli habent debitis, non habetur per species ab illis acceptas, sed à Deo immediatè infusas, ut ostenditur in Tractatu de Angelis; & tamen quia ad res immediatè & in seipsis terminatur, verè dicitur rerum cognitarum propria notitia: Ergo si notitia quam Deus habet de creaturis possibilibus, immediatè ad illas terminetur, licet non procedat à specie ab ipsi causa, verè erit & dicetur notitia rerum possibilium propria, subindeque falsa erit propositio Dionysi.

Confirmatur: Dionysius loco citato probat⁴⁹ Deum non sumere cognitionem à rebus, & extra seipsum nihil cognoscere, quia omnia cognoscit in seipso tanquam in causa, ait enim: *Lumen si secundum unam causam, Deus omnibus existens esse tradidit, secundum eandem causam scit omnia, & non ex existentibus sumet ipsorum cognitionem.* Ergo non solum intendit docere, quod Deus non cognoscit creaturas extra seipsum, sed in seipso, ex eo quod non accipiat species à rebus, sed etiam ex eo quod illas cognoscat in sua essentia ut in causa, & medio prius cognito, non verò in seipsis immediatè.

Probatur secundò conclusio ex aliis SS. Patribus: Ambrosius enim Tractatu in symbolum cap. i. hæc scribit: *Licet omnia celestia, & terrestria, ac minima quaque proficiat Deus, nihil tamen extra intelligere, sed singula in se intrinsecus dicitur.* Et D. Augustinus lib. 83. questionum, quæst. 46. ait: *Sacramentum esse asserere, quod Deus exeat extra se ad aliquid cognostendum.* Qua verba exponens D. Thomas hic art. 5. ad 1. dicit: *Illa verba Augustini dicentis Deum nihil extra se cognoscere, sic esse intelligenda, pon quod Deus*

Deus nihil quod sit extra se intueatur; sed quia id quod est extra se ipsum, non intueris nisi in se ipso. Unde in fine corporis sic concludit: *Igitur dicendum est quod Deus se ipsum videt in se ipso, alia autem a se vident, non in ipsis, sed in se ipsis.* Ergo juxta D. Thomam, & alios SS. Patres, non datur in Deo cognitionis immediata creaturarum in se ipsis, sed mediata solum in essentia divina tanquam in causa.

54. Nec tam evidenter & expressi testimonii eladi possunt solita response Adversariorum, qui dicunt D. Thomam, & alios SS. Patres assertentes Denique non cognoscere creaturas in se ipsis, solum intendere quod illas non cognoscunt per species a rebus acceptas, sicut nos eas cognoscimus, sed per suam essentiam gerentem vi-ces specierum illarum cognitionem.

Nam contra hanc elusionem est primo quod SS. Patres jam relati ex eo probant Deum non cognoscere creaturas in se ipsis immediate, seu extra se ipsum, quia illas cognoscit in se ipso: Ego non solum intendunt docere quod Deus non cognoscit creaturas in se ipsis, ex eo quod non accipiat species a rebus, sed ex eo quod eas cognoscit in sua essentia, ut in medio prius cognito.

Secundum, si SS. Patres solum yellent excludere a Deo hanc imperfectionem, nempe hoc quod est accipere species a rebus, nihil speciale ipsi tribuerent, quod creaturis non possit com-pere, cum etiam Angelis non intelligent per species a rebus acceptas: Sed hoc non est dicendum: Ergo nec illud.

Tertio, Aliud est cognoscere creaturas immediate, & aliud eas cognoscere per species a rebus acceptas: oculus enim v.g. immediate videt colores, & tamen accipit speciem ab illis, & Angelus contra mediata cognoscit hominem, vel leonem, & tamen ab illis non accipit species, sed eas habet a Deo in creatione infusa: Ergo impertinenter omnino probaret D. Thomas, Deum non cognoscere creaturas immediate in se ipsis, ex eo quod non cognoscat illas per species a rebus acceptas.

Quarto, Cognosci aliquid cognitione immediata, est vere & propriè cognoscere in se ipso: Sed D. Thomas absoluè negat creaturas a Deo cognoscere in se ipsis: Ergo negat cognoscere cognitione ad illas terminata immediate.

Denique, eo ipso quod creatura non cognoscatur a Deo per speciem illarum propriam, sed per essentiam divinam gerentem vices species, non possunt immediate & primario cognitionem divinam terminare, sed mediata tantum & secundaria, ut constabit ex statim dicendis: Atque D. Thomas loco citato docet creaturas cognoscere a Deo per essentiam divinam gerentem vices species, ait enim: *Deus se ipsum videt in se ipso, alia autem a se vident, non in ipsis, sed in se ipsis, in quantum essentia sua continet similitudinem aliorum ab ipso:* Ergo juxta D. Thomam, non datur in Deo cognitionis immediata possibilium in se ipsis, sed mediata tantum, quia ea in sua essentia & omnipotencia, ut in causa, cognoscit.

S. II.

Eadem veritas ratione suadetur.

55. Plures etiam in favorem nostræ conclusionis rationes efficaces adduci possunt.
Prima est: In Deo, utpote infinitè perfecto, non potest admitti duplex modus cognoscendi
Tom. I.

A creaturas, quorum unus sit perfectior, & alter minus perfectus: Sed modus cognoscendi crea-turas, in essentia divina tanquam in causa, est multò perfectior & nobilior, quam modus illas cognoscendi immediate in se ipsis, ut articulo præcedenti ostendimus: unde in Angelis beatis, cognitionis matutina per quam vident creaturas in verbo, & in essentia divina tanquam in causa, multò perfectior est, quam cognitionis vespertina, per quam illas cognoscunt extra verbum, & im-mediata in se ipsis, juxta illud Augustini quod supra retulimus: *Cognitionis creature in se ipso, decoloratio-rum est, quam cum in Dei sapientia cognoscitur, ve-luti in arte per quam facta est:* Ergo pratermodum cognoscendi creaturas possibilis in essentia di-vina tanquam in causa, non debet admitti in Deo alias, quod illas in se ipsis immediate, & indepen-denter ab essentia sua prius cognita, intueatur.

Secunda est, Eo modo cognoscuntur crea-turæ ab intellectu divino, quo repræsentantur per speciem quâ intelligit: Sed non repræsen-tantur in se & ratione lui, sed mediata & in alio, scilicet in Deo ut prius repræsentatio: Ergo non cognoscuntur immediate in se ipsis, sed mediata in eo prius cognito. Major cōstat, Cum enim ex intellectu & objecto, mediā specie, ad aquatum intellectus principium constituitur, nihil potest intellectus intelligere, nisi per speciem repræsentetur: Ergo nec poterit immediate in-telligere, quod immediate in specie non conti-netur. Minor autem probatur. Species quâ divinus intellectus intelligit, est sola divina es-sentia: Athac non repræsentat immediate crea-turas, sed mediata, Deo prius repræsentatio: Ergo species quâ divinus intellectus intelligit, non repræsentat immediate creaturas, sed solum mediata.

Respondebis primo, juxta doctrinam Vazquez, negando suppositum Majoris, quod scilicet Deus creaturas per speciem intelligat; cum enim non implicet dari intellectum, se ipso, absque concursum speciei, ad intelligendum comple-tum, & talis independentia & omnimoda comple-tio perfectionem dicat, non debet denegari intellectui divino, utpote summè perfecto.

Sed hæc responso in primis apertere contraria-tur D. Thomæ, qui hic art. 5. in corp. & in solut. ad 3. docet essentiam divinam esse speciem intel-ligibilem, quod Deus se ipsum & creaturas cogno-scit. Pugnat etiam cum doctrina Augustini al-lerentis ex objecto & potentia pari notitiam, sicut ex concursu maris & fœminæ gigantur proles; nec non contra communem Theologorum sen-tentiam, assertum essentiam divinam uniri mentibus beatorum ut speciem & formam in es-se intelligibili, in ordine ad cognitionem sui & creaturarum: si enim essentia divina respectu intellectus beati gerat vices species, hoc nullam importat imperfectionem, iubindeq; non debet Deo denegari, in ordine nam ad propriam intellectionem. Item si essentia divina non sit spe-cies & forma intelligibilis, repræsentans crea-turas intellectui divino, vix poterit reddi ratio, cur Verbum Divinum procedat ex cognitione crea-turarum possibilium, cum verbum non exprimat, nec repræsentetur in actu secundo, nisi qua in specie intelligibili repræsentatur in actu pri-mo. Denique non minus est de ratione intel-lectionis, ab intellectu & objecto intra illum in-telligibiliter constituto procedere, quam de ra-tione volitionis procedere à voluntate, media obiecti

DISPUTATIO SECUNDARIA

- objecti apprehensione. Sed implicat dari voluntatem quae sit volitionis principium, nisi mediā apprehensione objecti: Ergo pariter repugnat dari intellectum, qui sit principium intellectionis, sine concursu objecti intra ipsum constituti in ratione intelligibilis: Sed objectum ut concurgens objectivè ad intellectionem, gerit munus speciei: Ergo implicat intellectum sine specie esse principium intellectionis; & per consequens sicut voluntas divina, quamvis infinita, non potest aliquid velle, nisi prævia cognitione ita intellectus divinus, est infinitè perfectus, non poterit aliquid intelligere, nisi mediā specie increata, ipsa numerum divinam essentiam, gerentes species & forma intelligibilis.
38. Respondebis secundò cum aliis, negando Minorem: cùm enim essentia divina sit species repræsentans creaturas, quia continet illas eminenter, & continet ipsas eminenter immediatè, illas immediatè repræsentant.
- Sed hæc etiam solutio sustineri nequit, primò quia objectum immediatè repræsentatum per speciem, debet convenire cum illa in gradu immaterialitatig, ut docet D. Thomas suprà quæst. 12. art. 2. inferens ex hoc principio nullam speciem creatam posse repræsentare quidditativè Deum. Sed nihil creatum potest cum divina essentia talem convenientiam habere; cùm gradus immaterialitatis divinae consistat in exclusione omnis potentialitatis, quæ exclusio nulli enti creato competere potest: Ergo nihil creatum potest repræsentari immediatè per essentiam divinam ut speciem.
- Secundò, R. repræsentatio speciei, vel est ratio similitudinis, vel ratione identitatis cum objecto: Sed divina essentia nulli rei creatæ potest esse perfectè similis, & multò minus cum ea identificari: Ergo essentia divina, ut species, nullam rem creatam primariò repræsentare potest.
- Tertiò, Essentia Angelici, ut species, solum seipsum per se primò & immediatè repræsentat, alia autem à se, secundariò tantum, & mediatè, ut docetur in Tractatu de Angelis: Ergo pariter essentia divina, ut species, solum potest seipsum primariò & immediatè repræsentare, creaturas verò secundariò tantum & mediatè.
- Denique, Si essentia divina ut habet rationem speciei, primariò & immediatè repræsentaret creaturas, illæ essent objectum specificativum, partiale saltem & inadæquatum, talis speciei increate: sicut in specie Angelica immediatè repræsentante plures naturæ, & unam independenter ab alia, ita ut humana v.g. non sit ratio cur leonina repræsentetur, omnes illæ naturæ integrant objectum specificativum illius: Sed creature non possunt pertinere ad objectum formale & specificativum essentiae divinae, ut habet rationem speciei increate: Ergo non possunt ab illa primariò, sed tantum secundariò repræsentari.
99. Tertia ratio conclusionis sumitur ex D. Thomas i. contra Gent. cap. 48. ratione 1. ubi sic discurrevit: Operatio intellectus speciem & nobilitatem habet, secundum id quod est per se primò intellectum, cum hoc sit ejus objectum: Sicutur Deus aliud à se intelligeret, quasi per se & primo intellectum, ejus operatio intellectus speciem & nobilitatem haberet ab alio quam ab ipso: Hoc autem est impossibile, cùm ejus operatio sit ejus essentia; & hoc quippe ens à se, nequeat ab alio distinctori à Deo speciem capere: Sicutur impossibile est, quid intellectum à Deo primò & per se, sit aliud ab ipso. Ex quibus verbis hæc potest deduci ratio: Si Deus cognoscet creatures immediatè in seipsis, & independenter ab essentia divina prius cognita, objectum formale & specificativum divinæ intellectionis, esset ens creatum, vel ens ut sic abstrahens à creato & increato: Sed hoc dicere nequit: Ergo nec illud. Sequela Majoris est evidens, illud enim censetur esse objectum formale & primarium alicujus potentie, vel operationis, quod primariò & immediate ab illa attingitur, & independenter ab alio prius attacto, ut constat in potentia visiva, cuius objectum formale & primarium est color, quem per se primò attingit; secundarium verò & materiale, paries, vel aliud subjectum colore affectum, quia illud non attingitur immediatè, & per se primò, sed tantum secundariò, & medianè colore.
- Minor verò fuisse à nobis probata fuit in Tractatu de attributis, potestque rursus hic brevi. Dicitur suaderi. Præratione Divi Thomæ jam insinuatā. Cognitio desumit suam speciem & perfectionem essentiale ab objecto formalis & primarii, & ab illo mensuratur: Sed intelligere Dei, cùm sit ejus esse, ejusque natura, non potest desumere suam speciem & perfectionem efficiatim à creaturis, nec ab illis mensurari: Ergo ens creatum non potest esse objectum formale & primarium divinae intellectionis.
- Secundò, Objectum formale & primarium divinæ intellectionis, debet esse quid actualissimum, sicut & ipsa intellectionis. Sed ens creatum, vel abstrahens à creato & increato, est quid potentiale, ut constat: Ergo non potest esse objectum formale & primarium divini intellectus, sed solum ens in creatum, seu divina essentia, quæ est actus purus, & ejusdem immaterialitas cum ibo.
- Tertiò, Si creature pertinenter ab objectum formale & specificativum divinæ scientiæ, etiam pertinenter ad objectum formale & specificativum Theologiarum, cùm ista sit illius expressio seu participatio: Sed hoc est falsum, ut constat ex dictis disputatione proœmalii ad universam Theologiam articulo 3. ubi ostendimus, solum Deum esse objectum formale & specificativum Theologiarum, creature verò ad objectum tanquam materiale & secundarium pertinere: Ergo creature non pertinenter ad objectum formale & specificativum divinæ scientiæ.
- Quartò, Si objectum formale & specificativum divini intellectus, sit ens ut abstrahens à creato & increato, sequitur objectum formale fidei, & aliarum virtutum Theologicarum, esse aliquid abstrahens à Deo & creaturis: Sed hoc dici nequit: Ergo nec illud. Sequela Majoris est evidens, virtutes enim Theologicas sunt participationes divini intellectus & voluntatis, ac promodocant idem objectum formale cum illis. Minor verò demonstrari solet in Tractatu de virtutibus Theologicis, & videtur manifesta. Si enim objectum formale & specificativum illarum virtutum, non esset Deus, sed aliquid creatum, vel abstrahens à Deo & creaturis, illa non essent Theologicas: per hoc enim distinguuntur virtutes Theologicas, à moralibus infusi, vel acquisitiis, quod primæ respiciunt immediatè Deum, tanquam proprium objectum formale & specificativum; secundæ verò circa aliquid objectum creatum versantur, ut ibidem ostendemus.
- Ultima ratio nostra conclusionis potest sic brevi-

breviter proponi. Ita se habet veritas creata ad intellectum divinum, sicut bonitas creata ad voluntatem divinam: Sed bonitas creata nequit ratione sui immediatè terminare actum voluntatis divinae: Ergo nec veritas creata potest ratione sui immediatè terminare actum divini intellectus. Major pater, Minor vero yatis rationibus demonstrabitur in Tractatu de voluntate Dei, & potest interim breviter suaderi ex D. Thomae infra quart. 19, art. 2, ad 2. ubi sic discutit: In his que volumus propter finem, tota ratio movendis finis & hoc est quod moveat voluntatem: unde cum Deus sit a se non vult nisi propter finem, qui est sua bonitas, non sequitur quod aliquid aliud moveat voluntatem suam, nisi bonitas sua; & sic si quis alia a se intelligit, INTELLIGENDO ESSENTIAM SUAM; ita sit a se vult, volendo bonitatem suam. Et rursum in folio ad 3. Ex hoc quod voluntati divina sufficit sicut bonitas, non sequitur quod nihil aliud vult, nisi ratione sua bonitas; sicut etiam intellectus divinus, libertas perfectus ex hoc ipso quod est, iam divinam cognoscit, Tamen in ea cognoscit alia. Quod nihil clarius & expressius in favore nostrae sententiae dici potest.

61. Addo quod Suarez ad hanc configuit doctrinam, dum opprimitur difficultate insuperabilis actus liberti Dei, quem non posse conceperit, aut tutari, nisi recurrit ad illud principium, quod actus liber Dei, & quilibet increatus, essentiam aut bonitatem divinam respicit ut objectum formale adaequatum, creaturas vero ut objectum materiale a quo non hauriant speciationem. A qua tamen veritate aperte reddit, & simul calidum & frigidum efflat, dum in Deo praeceps modum cognoscendi creaturas in essentia divina tanquam in causa, admittit aliud genus cognitionis creaturarum in seipsis immediate, & independenter ab essentia divina prius visa; id enim, ut supra ostendimus, est objectum intellectus specificarum, ad quod per se prius terminatur, nullo medio prius cognito.

§. III.

Solvuntur objectiones.

62. Objicis primò: Deus cognoscit veritates creates omni modo quo sunt cognoscibiles, atque infinitus in cognoscendo non est: Sed veritates creates sunt cognoscibiles duobus modis, nempe mediato, in divina essentia tanquam in causa, & immediate in seipsis: Ergo Deus illas utique modo cognoscit.

Confirmatur: Intellectus animæ Christi cognoscit veritates creates in verbo (hoc est in divina essentia visa) & immediate in seipsis extra verbum, per scientiam supernaturalem infusam, id est animæ Christi concedatur omnis modulus cognoscendi res creates, ut communiter docent Theologiz. p. quart. 9. Sed haec ratio magis urgat de intellectu divino: Ergo Deus cognoscit veritates creates non solum in sua essentia visa, sed etiam immediate in seipsis.

Confirmatur amplius: In Angelis beatis admittitur a Theologis, post D. Augustinum, duplex cognitione, matutina scilicet, & vespertina, & duplex modulus cognoscendi creaturas, in verbis, & extra verbum: Ergo similiter uterque modulus illas cognoscendi, Deo non debet negari.

63. Ad objectionem quæ est præcipuam Adversaria Tom. I.

A priorum fundamentum, relictis variis solutionibus, facile respondeo distinguendo Majorem: Deus cognoscit veritates creates omni modo quo sunt cognoscibiles: Si talis modus non dicat imperfectionem ex parte cognitionis, concedo Majorem: si involvat imperfectionem, nego Majorem: & sub eadem distinctione Minoris, nego Consequentiam. Nam cognitione immediate creaturarum in seipsis, imperfectionem dependentia & specificationis ab ipsis, in intellectum cognoscentem refundit, ut constat ex dictis in tercia ratione. Unde quamvis veritates creates sunt immediate cognoscibiles, & de facto sic cognoscantur ab intellectu animæ Christi creato, cuius actibus non repugnat hujusmodi imperfectione; non cognoscuntur tamen, nec cognosci possunt ab intellectu divino in seipsis immediate. Per quod ad primam confirmationem patet solutio.

Ad secundam, concessio Antecedente, nego 64.

Consequentiam & paritatem, propter duplicitatem discriminis. Prima est, quia objectum specificativum intellectus angelici & humani, non est ens increatum, sed ens usque, prout abstractum à creato & increato: objectum verò specificativum intellectus divini, est ens increatum tantum, seu sola divina essentia, cum ea sola sit eiusdem puritatis, immaterialitatis, & actualitatis cum illo. Secunda, quia (ut supra dicebamus) in Deo, ut pote infinitè perfecto, non potest dari duplex modulus cognoscendi creaturas, quorum unus sit magis, & alter minus perfectus; benè tamen in Angelis & in beatis: modus autem cognoscendi creaturas immediate in seipsis, est minus perfectus, quammodum eas cognoscendi in essentia divina ut in causa; imo (ut supra ostendimus) involvit imperfectionem speciationis & dependentie à creaturis, Deo repugnantem.

Dices: Perfectius est cognoscere objecta sine medio, quam in aliquo medio: v. g. perfectius est videre hominem in seipso immediate, quam

D in speculo in quo representatur: Ergo modulus cognoscendi creaturas immediate in seipsis, multo perfectior est, quammodum eas cognoscendi in essentia divina tanquam in causa, & medio prius cognito:

Confirmatur: Cognitio rei in alio ut in causa, est abstractiva: Ergo minus perfecta est, quam cognitio intuitiva rei in seipso immediate.

Ad instantiam, nego Antecedens; perfectio enim cognitionis non attenditur penes hoc quod sit mediata, vel immediate, sed penes hoc quod magis vel minus clare attingat objectum: unde cum cognitio creaturarum in essentia divina, clarior sit, quam cognitio illarum in seipsis, que (ut ait Augustinus supra relatus) decoloravit, & obscurior, perfectius est cognoscere creaturas in essentia divina, tanquam in causa, & medio prius cognito, quam illas immediate in seipsis intueri.

Ex hoc intelliges quod ait S. Doctor hic art. 10, ad 4. neuppe, quod cognoscere aliquid per aliud tantum, est imperfecta cognitionis, si illud sit cognoscibile per se. Hoc enim verum est, quando illud quod in alio cognoscitur, in illo minus perfectè continetur & representatur, quam in seipso; secùs verò, si in illo perfectè continetur & representetur: unde cum creaturae continantur in essentia divina tanquam in causa, & in idea & arte divina per quam factæ sunt,

DISPUTATIO SECUNDA

fūnt, clarissimē & perfectissimē , ac secundūm proprias earum rationes & differentias repræsententur, modus cognoscendi creaturas in essentia divina tanquam in causa, idea, & exemplari, multò perfectior & nobilior est, quād modus illas cognoscendi in immediate in seip̄is, & secundūm propriam earum cognoscibilitatem & veritatem, quam Adversarii *objectivam* appellant; sicut in Angelis beatis, perfectior est notitia creaturarum in verbo, quā matutina dicitur, quād earum cognitio extra verbum, quā respertina appellatur.

68. Ad confirmationem dicendum, quōd cognitione rei in alio est abstractiva, quando non attingit existentiam rei, sed ejus tantum quidditatem & essentiam; sc̄s verō, si attingat ejus existentiam, cognition enim non dicitur intuitiva, vel abstractiva, ex eo quōd fiat cum medio, vel sine medio; sed ex eo quōd attingat vel non attingat existentiam rei: unde cū Deus cognoscendo creaturas existentes, in sua essentia tanquam in causa, non solum quidditatem sed etiam existentiam illarum attingat, cognition illarum non est abstractiva, sed intuitiva: sc̄entia verō possibilium, quia terminatur ad rerum tantum quidditatem & essentiam; & abstrahit ab illarum existentia, purè abstractiva est: notitia autem futurorum, est intuitiva; quia terminatur ad illa, ut praesentia in eternitate, quod ad cognitionem intuitivam sufficit, ut infrā declarabitur, cū a genuso de praesentia futurorum contingentium in eternitate.

69. Objicies secundō, Si Deus non cognosceret creaturas immediatē in seip̄is, sed solum in seip̄so ut in medio prius cognito, non cognosceret eas secundūm esse formale quod habent in propria natura, sed tantum secundūm esse eminentiale quod habent in essentia divina tanquam in causa: At hoc falso sit, ut initio articuli præcedentis contra Aureolum ostendimus: Ergo & illud. Sequela Majoris probatur. Creaturæ non continentur in Deo formaliter, sed tantum virtualiter, seu eminenter, cum Deus non sit formaliter homo, vello, & omnes perfectiones creaturarum habeant aliquam imperfectionem admixtam, quā Deo repugnat: Ergo si Deus cognoscet creaturas solum in seip̄so tanquam in causa, & medio prius cognito, eas non cognoscit secundūm esse formale quod in se habent, sed tantum secundūm esse eminentiale quod habent in essentia & omnipotentiā divina, tanquam in causa prima.

70. Pro solutione hujus argumenti, advertendū est, quōd quando dicimus essentiam divinam esse medium in quo Deus cognoscit creaturas, non sumimus essentiam divinam ut distinctam ab attributis, cum ut sic non sit causa adiquata illarum; sed simul cum attributis quā ad productiōnem creaturarum concurrunt, nempe ideis & arte divinā, utilitas representantibus, intellectu ut dirigente per scientiam simplicis intelligentiā, voluntate ut movente & applicante per decreto, & omnipotentiā ut exequente per actum imperii, sicut infrā ostendemus. Hoc præmissō, ad argumentum respondō, negando sequelam Majoris; ad cuius probationem dico, quōd licet creatura non comprehendatur formaliter in essentia divina, sed tantum eminenter, continentur tamen formaliter (non in esse entitativo, sed intelligibili) in aliquo attributo, quod ad eārum effectiōnem concurrit, nempe in ideis &

A arte divina; cū enim Deus sit causa efficiens intellectuālis, ratione sua īdeā & verbi, prehabet res omnes in se formaliter, non in esse entitativo, sed intelligibili & representativo, sicut artifex creatus sua opera, iuxta illud, *Quis fecit celos in intellectu;* & hoc sufficit ut creaturæ cognoscantur à Deo secundūm esse formale quod habent in seip̄is, & non solum secundūm esse eminentiale quōd habent in divina essentia & omnipotentiā.

Altam hujus argumenti solutionem insinuavimus in Tractatu de visione beata, ubi diximus duplē dari continentiam eminentiam: unam imperfectam, & se extendentem solum ad aliquam rationem communem & genericam, qualis est illa quā convenit Soli & aliis corporibus cœlestibus, respectu corporum inferiorum, quā causant solum quantum ad aliquam rationem communem & genericam, putā rationem viventis, vel corporis corruptibilis, quā per se primō in rerum inferiorum generationibus attingunt: aliam perfectam, & se extendentem non solum ad rationes communes & genericas, sed etiam ad differentias atomas & individuales, quā soli Deo competit: cū ipse solus per se primō attingat in rebus creatis rationem eius producibilis, & differentiis omnium rerum creatarum transcendentaliter inclusam. Quamvis ergo primum genus continentia eminentialis non sufficiat ad manifestationem rei secundūm esse formale, & quantum ad eius rationem specificam & individualem, benē tamen secundum, quia cū talis continentia eminentialis perfectissima sit, & ad omnes rationes, tam genericas, quam specificas, & individuales se extendat; & quia valeret continentia formalis, subindeque præstare potest omnia quā illa præstat, & ducere in cognitionem rerum secundūm esse formale quod in se habent.

Objicies tertio: Sunt aliquæ veritates creatae adeo manifesta, ut per seip̄as, absque ullo medio, intellectui creato innescant, ut prima principia, vel propositio, & identicæ: Ergo faltem tales veritates possunt cognosci ab intellectu divino in seip̄is immediate, & absque eo quōd optis sit, ut prius seipsum, vel suam omnipotentiam cognoscat.

Responso concedo Antecedente, negando Consequentiam & partitatem, ob duplē rationem discribinis. Prima est, quia intellectui creato non repugnat specificari à veritate creatæ, benē tamen divino, ut supra ostensum est. Secunda, quia intellectus divinus non potest cognoscere veritatem creatam, cognitione quā non sit comprehensiva: comprehensio autem veritatis creatæ non potest haberi, nisi omnes illius causæ cognoscantur; & quia præcipua causa veritatis creatæ, est Deus, ille non potest cognoscere veritates creatas, nisi in seip̄o ut medio prius cognito, quā ratio cum non habeat locum in intellectu creato, possunt prædictæ veritates ab illo in seip̄is immediate cognosci.

Ex dictis in hoc & præcedenti articulo, eruditus Lector agnoscat, quād altas doctrinā Thomistarum afferentium Deum omnia seip̄o ut in causa cognoscere, radices egerit, Patrum traditionem, & omnium scientiarum principia complexa, & quād vani fuerint hactenus in ea convellenda. Adversarii rū conatus. Intelligeretā sententiam afferentem Deum futura contingentiā in suo decreto cognoscere, non esse novum Thom-

Thomistarum inventum, ignotum antiquis Patribus, maximè D. Angultino & S. Thomæ, ut p. Annatus in libro quem pro defensione scien-
tia media edidit, singulis ferè paginis objicit: cùm interque S. Doctor, locis suprà adductis, non aliam agnoscat in Deo creaturas quascum-
ques ea possibiles seu futuras cognoscendis ratio-
nem, quām in seipso ut in causa, & Dionysius o-
mnium Theologorum post Apostolos antiquis-
fimis, hanc doctrinam clarissimè & disertissimè
trat. Sed mirum, quod cùm hæc de cognitio-
ne creaturarum in Deo controversia, tanti sit
momenti ad constitutandam aut everrandam
scientiam medium, eam tamen prædictus Au-
thor neleviter quidem artigerit sed hanc diffi-
culturam ex qua, ut suprà ostendimus, omnino
pender posito vel destrucción talis scientiæ, pe-
nitus dissimulaverit: quod non leve indicium
est, adeo firmam esse nostram doctrinam, ut ní-
hi possint Adversarii illi opponere, quod facile
non excutiamus.

ARTICULUS III.

An & quomodo Deus non entia mala, singula-
ria, & infinita cognoscat:

Priusquam differamus de causalitate divinæ
scientiæ, & de modo quo Deus futura con-
tingentia tam absoluta, quām conditionata cog-
noscit, breviter explicandum est, an, & quomodo
non entia mala, singularia, & infinita ab illo
cognoscantur, de quo agit S. Thomas art. 10. 11.
& 12. hujus questionis.

Dico ergo primò, Deum cognoscere non en-
tia, seu ligna, & entia rationis, quæ ab intel-
lectu creati fabricantur, ea tamen nullo modo
eformare.

Prima pars colligitur ex D. Thomâ hic art. 9.,
ubi sic ait: Deus cognoscit omnia que sunt in po-
tentiæ creature, sive activa, sive passiva, sive in
potentia opinandi, vel imaginandi. Sed entia ra-
tionis continentur in potentia intellectus crea-
ti, & in eo habent esse objectivum: Ergo à Deo
cognoscuntur.

Confirmatur: Deus cognoscit omnes homi-
num cognitiones, etiam vanas, juxta illud Psal-
m. 83. Dominus scit cogitationes hominum, quoniam via-
nus. Ergo etiam cognoscit illarum objecta,
quæ interdu sunt thūmata, & entia rationis.

Secunda pars conclusionis probari solet in
Philosophia. Ratio fundamentalis est, quia for-
matio entium rationis derogat perfectioni di-
vinæ intellectus, sille enim qui format entia ratio-
nis, apprehendit objectum alter ac est in se, ex
parte rei cognitæ, id est in recognita apprehen-
dit aliquid, quod revera ei non convenit, putat
relationem rationis iure absoluta ab omni re-
spectu, vel distinctionem rationis in te omnino
lumperit. Sed hoc, ut constat, derogat perfectio-
ni, & veritati divini intellectus, quæ consistit in
adæquatione cognitionis cum re cognita, id est,
in eo quod objectum cognoscatur e modo quo
est in te. Ergo efformatio entium rationis der-
ogat perfectioni & veritati divini: intellectus.
Unde licet divina scientia se extendat ad entia
rationis ab intellectu humano facta, vel facti-
bilia: quia tamen talis cognitio est mere specu-
lativa, nec apprehendit aliter ac est in se,

A vel non ens ad modum entis; sed solum videt
non entia habere modum entis in intellectu
creato, non format entia rationis. Sed haec mer-
ces & quisquilia, ad nundinas & Scholas Phi-
losophorum remittendæ sunt: in his enim diuti-
us immorari, nec vacat, nec expedit.

¶ Dico secundò: à Deo cognosci omnia mala 76.
naturæ, pœnae & culpæ, non per bonitatem in-
creatam immediatæ, sed per bonitatem crea-
tam.

Prima pars conclusionis est de fide, quam ta-
men videntur negare Averroës relatus à D. Tho-
ma i. contra Gent. cap. 71. & quidam Hæretici
Albanenses, negantes Deum cognoscere pecca-
ta, nisi ex relatione Diaboli: quorum fundamen-
tum potuit esse, quia in Scriptura Deus dicitur
ignorare peccata.

Probatur primò ex Scriptura: dicitur enim
de malis natura Sapientia 8. Monstravit, ante-
quam fiant, De malis pœnae Amos 3. Si erit malum
in civitate quod non fecerit Dominus. Et Proverb. 15.
Infernum & perditio coram Domino. De malis culpæ
Job. 14. Signa si quis in sacculo delicta mea. Et Deu-
teron. 32. Nonne hac condita sunt apud te, & signata
in thesauris tuis? Ubi allusio fit ad facculos litium,
vel ad eos in quibus servari solebant pondera,
Deuteron. 15.

C Probatur secundò ratione desumpta ex Divo 77.
Thomâ, loco citato. Bonum intellectus est ve-
rum: Sed verum habetur in cognitione mali;
nam sicut verum est bonum dari, & esse profe-
quendum; ita etiam verum est dari malum, &
esse fugiendum: Ergo Deus mala cognoscit.

Confirmatur: Cognitio mali non est damnan-
da, nisi quatenus inducit voluntatem ad malum;
nec est deformis, nec aliquam inducit turpitudinem
qua visio, aut pictura monstris, pos-
test esse pulchritudin etiam, quia ut Deus cog-
noscat mala, non debet illis assimilari, quando-
quidem non cognoscit ea per propriam speciem
illorum, & in objecta formalia, sed tantum ma-
teriali.

D Probatur tertio: Deus perficere cognoscit bo-
na creatæ, ac proinde, quidquid illis potest acci-
dere, & opponi: Sed malum opponitur bono, &
illud corrumpti. Ergo ut perficere cognoscat bo-
num, debet malum cognoscere.

E Denique eadem pars suadetur. Mala culpæ
Deus prohibet & punit tanquam judex; mala
autem pœnae, & naturæ, efficit tanquam prima
causa, & provisori universalis, propter bonum,
& conservatiōnem universi, unde pertinent ad
eius providentiam: At quæ cadunt sub provi-
dentiâ Dei, cadunt etiam sub cognitione, &
sapientia ipsius, alias Deus ageret modo cæco,
& ignaro: Ergo Deus talia mala cognoscit.
Unde quando Scriptura dicit, Deum non cog-
noscere mala, hoc intelligendum est, vel quia
dissimulat, differendo punitiue in, vel quia non
cognoscit per propriam ideam, vel quia non
cognoscit per scientiam approbationis, & ope-
rativam, maximè mala culpæ, ut supra annota-
vimus.

Major est difficultas circa secundam partem
conclusionis, zumel enim & alii Recentiores
existimant, mala cognoscere à Deo per ipsam es-
sentialiam, & bonitatem in creatam immediatæ.
Sed opposita sententia communis est aptid Thom-
istæ: pro cuius intelligentia, & probatione se-
cunda pars conclusionis.

Observandum est primò: aliud esse quoddam
tunc